

FJÖLMIÐLAVAKTIN
AUGU OG EYRU ÍSLENSKS ATVINNULÍFS

Ljósvakahandrit 19.11.97

Ríkisútvarpíð 19:00

Konur segja skilið við Kvennalistann

Það er nú ljóst að Kvennalistinn hefur klofnað. Áhrifakonur hafa sagt skilið við samtökin og búist er við frekari tíðindum úr þingflokknum á morgun.

Samþykktin á Úlfþjótsvatni um síðustu helgi hefur leitt til þess að klofningur í Kvennalistanum er staðfestur. Margar Kvennalistakonur geta ekki hugsað sér að fylgja samfylkingu vinstri manna og vilja sumar frekar kveðja. Það hafa 6 konur þegar gert, þeirra meðal Anna Ólafsdóttir Björnsson, fyrrverandi þingkona, og síðdegis í dag sagði María Jóhanna Lárusdóttir, varaþingkona, skilið við Kvennalistann en hún er meðal stofnenda samtakanna. Hún kvaddi með yfirlýsingum sem færð var til bókar á fundinum. Hún sættir sig ekki við niðurstöðuna á Úlfþjótsvatni.

Maria Jóhanna Lárusdóttir, varaþingkona: Ég tel að með því hafi Kvennalistinn roftið þessa sérstöðu sem að við höfum haft og það frelsi sem við höfum haft, til að skilgreina okkur sjálfar út frá eigin forsendum og við séum gengnar aftur til liðs við þau öfl sem að við eiginlega skoruðum á hólm þegar að við stofnuðum Kvennalista.

Nú er ljóst að Kvennalistinn hefur klofnað en hvað ber framtíðin í skauti sér, má búast við að þær sem ekki sættir sig við vinstri samfylkingu, leiði leiða til að halda uppi fyrra merki Kvennalistans.

Maria Jóhanna Lárusdóttir: Ja, ég trúi því að hugsjónir og starfsaðferðir og stefna Kvennalistans, eigi estir sem áður einhvers staðar að skjóta upp kollinum. Þetta var mjög merkilegt starf. Það bar árangur og ég veit að frækornin eru að spíra viðar um veröldina, ekki bara á Íslandi, heldur viða og ég trúi því að það gerist en það gerist ekki inní Krataflokkunum á Íslandi, því ég get losað þér.

Frá upphafi hef ég tekið þátt í móta hugmyndafræði okkar og stefnu og ætið verið stolt af því að vera Kvennalistakona. Ég treysti mér hins vegar ekki lengur til að vera málsvari samtakanna og segi mig hér með úr Kvennalistanum. Þannig lýkur bókun Maríu Jóhönnu Lárusdóttur. Klofningur er í

sjálfum þingflokknum. Kristín Ástgeirs dóttir fór í dag á fund forseta Alþingis, væntanlega til að ræða stöðu sína. Hún sættir sig ekki við þá leið sem Guðný Guðbjörnsdóttir, er harður málsvari fyrir, og eru horfur á að til tíðinda dragi strax á morgun. Þannig er að staðfestast klofningur Kvennalistans sem fyrst fékk kjörna fulltrúa á þing árið 1983.

Maria Jóhanna Lárusdóttir. En við kvöddust nú hérna með virktum og faðmlögum hérna áðan og það er síður en svo að við getum ekki talað saman. En ég harma það að við skyldum ekki getað fundið einhverja leið til þess að starfa saman áfram. Kannski verður það einhvern tímann, ég ætla ekkert að útiloka það. Þetta eru miklar ágætiskonur.

Óðinn Jónsson: En þú gekkst út af þingflokkssundi Kvennalistans og lokaðir á eftir þér?

Maria Jóhanna Lárusdóttir. Ég gerði það já.

Tími: 2:50

Fréttamaður: Óðinn Jónsson

Ljósvakafréttir eru gefnar út af Miðlun ehf.,
Tunguhálsi 19, sími: 580-8080, fax: 580-8087.

ljosvaki@midlun.is <http://www.midlun.is/fjolmidlavaktin/>

FJÖLMIDLAVAKTIN

AUGU OG EYRU ÍSLENSKS ATVINNULÍFS

Ljósvakahandrit 19.11.97

Stöð 2 19:30

Segja sig úr Kvennalistanum

Anna Ólafsdóttir Björnsson, fyrrverandi þingmaður Kvennalistans og María Jóhanna Lárusdóttir, varaþingmaður sögðu sig báðar úr samtökunum í dag. Þær segja úrsögnina fylgja í kjölfar niðurstöðu Landsfundar Kvennalistans þar sem ákveðið var að ganga til samstarfs á vinstri vængnum.

Bæði Anna og María Jóhanna sögðust hafa tekið ákvörðun um að segja sig úr Kvennalistanum eftir að stór hluti kvenna innan samtakanna ákvað að leggja á það áherslu bæði fyrir landsfundinn og á landsfundinum að taka þátt í sameiningarviðræðum á vinstri vængnum. Ákvörðun um úrsögn hafi því ekki verið tekin á einum degi heldur hafi þær brætt hana með sér að undanförnu. Báðar segja þó að samþykkt landsfundarins um samstarf við flokka á vinstri vængnum hafi vegið þyngst. María Jóhanna, sem hefur verið varaþingmaður Kvennalistans undanfarin 4 ár, afhenti þingflokk samtakanna úrsögn sína í dag. Hún taldi sig ekki lengur eiga samleið með Kvennalistanum þar sem fyrir lægju breytingar á grundvallarstefnu og hugmyndafræði hans.

*Maria Jóhanna Lárusdóttir, varaþingmaður Kvennalistans:
Ég lit svo á að þessi ákvörðun sem var tekin á Úlfþjótsvatni um að hefja viðræður við félagshygguöflin, Alþýðuflokk, Alþýðubandalag og einhverja aðra óháða, sé i rauninni algjört brot á okkar grundvallarhugmyndum og hugsjónum i Kvennalistanum og við séum þar með búnar að afneita þeirri sérstöðu sem við töldum okkur hafa með því að ganga eiginlega á hólm við þessi öfl sem þarna á að fara að mæta til viðræðu við.*

Anna Ólafsdóttir Björnsson var þingmaður Kvennalistans í 6 ár eða frá 1989 til 1995. Anna segir úrsögnina erfiða en að hún hafi þó verið nauðsynleg þar sem hún taldi sig ekki geta sætt sig lengur við þær leiðir sem Kvennalistinn hyggst fara á næstunni. Kristín Einarsdóttir og Kristín Ástgeirs dóttir eru báðar að íhuga úrsögn úr Kvennalistanum af sömu ástæðu og er búist við yfirlýsingu frá þeim í lok þessarar viku.

Fréttamaður: Bryndís Hólm

Ljósvakafréttir eru gefnar út af Miðlun ehf.,
Tunguhálsi 19, sími: 580-8080, fax: 580-8087.

ljosvaki@midlun.is <http://www.midlun.is/fjolmidlavaktin/>

FJÖLMIDLAVAKTIN

AUGU OG EYRU ÍSLENSKS ATVINNULÍFS

Ljósvakahandrit 19.11.97

Sjónvarpið 20:00

Klofningur innan Kvennalista

Nú virðist endanlega staðfest að þingflokkur Samtaka um Kvennalista er klofinn. Kristín Ástgeirs dóttir, þingfloksformaður samtakanna, mun samkvæmt traustum heimildum fréttastofu, segja skilið við samtökin á morgun. Samkvæmt sömu heimildum eru fyrrverandi þingkonur samtakanna og varapþingkonur, einnig á leið út úr Kvennalistanum.

Kristín Ástgeirs dóttir, alþingiskona og þingfloksformaður Samtaka um Kvennalista vildi í kvöld enga yfirlýsingar gefa, aðrar en þær að hún hygðist sitja á Alþingi út kjörtímabilið, það er til vors 1999. Þingflokkur Kvennalistans þingaði nú síðdegis og samkvæmt traustum heimildum fréttastofu var fundurinn býsna dramatískur. Þar tilkynnti Kristín að nú væri komið að leiðarlokum. Ástæðan er ákvörðun landsfundarins í samfylkingarmálum. Afstaða Guðnýjar Guðbjörnsdóttur, þingkonu, er klár með samfylkingu en afstaða þriðju þingkonu Kvennalistans, Kristínar Halldórsdóttur er óviss. Á fundi þingfloksins í kvöld var einnig María Jóhanna Lárusdóttir, fyrsti varapþingmaður Kvennalista í Reykjavík. Hennar ákvörðun um úrsögn úr Kvennalistanum liggur fyrir og verður lögð fram á morgun. Tvær fyrrverandi þingkonur a.m.k. eru líka á leið úr Kvennalistanum samkvæmt heimildum fréttastofu, þær Anna Ólafsdóttir Björnsson og Kristín Einarsdóttir. Eins og við greindum frá í fyrradag sögðu 2 konur sig úr Kvennalistanum strax í kjölfar landfundarins, önnur þeirra er Sigriður Lilly Baldursdóttir, formaður Kvenréttindafélags Íslands. Þingfundur hefst á Alþingi klukkan 10:30 í fyrramálið og er tíðinda að vænta þá. Í upphafi fundarins er búist við því að Kristín Ástgeirs dóttir, tilkynni formlega úrsögn sína úr Samtökum um Kvennalista og þar með segir hún skilið við þingflokk Kvennalistans. Kristín verður því utan flokka líkt og t.d. Jóhanna Sigurðardóttir, sem sagði sig úr Alþýðuflokknum haustið '94, og var utan flokka á Alþingi fram yfir alþingiskosningar vorið '95. Sjónvarpað verður beint frá þingfundi Alþingis í fyrramálið og hefst útsending klukkan 10:30.

Fréttamaður: Þróstur Emilsson

Ljósvakafréttir eru gefnar út af Miðlun ehf.,
Tunguhálsi 19, sími: 580-8080, fax: 580-8087.

ljosvaki@midlun.is <http://www.midlun.is/fjolmidlavaktin/>

FJÖLMIÐLAVAKTIN

AUGU OG EYRU ÍSLENSKS ATVIÑNULÍFS

Ljósvakahandrit 20.11.97

Sjónvarpið 20:00

Úrsagnir úr Kvennalista

Kristín Ástgeirs dóttir sagði í morgun skilið við Samtök um kvennalista eftir 16 ára veru þar. Kristín mun starfa utan þingflokkja út kjörtímabilið. Hún segir ákvörðun landsfundar um þáttöku í viðræðum um samfylkingu á vinstri vængnum söguleg mistök, Kvennalistinn sé í raun ekki lengur til. Óþarfa upphlaup segir Guðný Guðbjörnsdóttir, þingkona.

Eftir tíðindin á þingflokkfundi Kvennalistans í gær kom það í raun fáum á óvart þegar Kristín Ástgeirs dóttir, kvaddi sér hljóðs í upphafi þingfundar í morgun.

Kristín Ástgeirs dóttir, alþingismaður (UF): Hæstvirtur forseti, ég kveð mér hljóðs til að tilkynna þingheimi að ég hef sagt mig úr þingflokkki Samtaka um kvennalista.

Kristín er ein þeirra kvenna sem settust niður fyrir 16 árum til að ræða hvort sérframboð kvenna til sveitarstjórna og síðar alþingiskosninga væri fær leið til að auka hlut kvenna í stjórnmálum, tryggja að sjónarmið þeirra kæmust að þar sem ráðum er ráðið, fyrst og fremst til þess að breyta áherslum. Kvennalistinn hefur átt fulltrúa á Alþingi í rúmlega 14 ár og hefur haft töluverð áhrif á þeim tíma. Kristín Ástgeirs dóttir er nú á sínu öðrum kjörtímabili, hefur setið á þingi í 6 og 1/2 ár og hyggst sitja í full 8 ár, til vors 1999. Hún sagðist hafa átt góða samvinnu við þingmenn stjórnarandstöðu en sagðist gera greinarmun á samvinnu og samruna.

Kristín Ástgeirs dóttir: Það er mér þungbært að ganga út úr húsi Kvennalistans eftir svo langa sambúð, en það er um leið mikill léttir að ljúka þessum kafla lífs míns eftir erfitt lokaskeið. Ég hef eytt ómældum tíma og orku í starf mitt innan Kvennalistans og það hefur oft kostað persónulegar fórnir. Ég hef komist að þeirri niðurstöðu að vandlega ihuguðu máli að ég eigi ekki annarra kosta völ en að segja skilið við Kvennalistann.

Ég var kosin á þing sem fulltrúi hreyfingar sem var hvorki til hægri né vinstri, bætti Kristín við, hreyfingar sem varð til sem andófsafl gegn gamla flokkakerfinu og vildi umbylta því, ekki samsamast því. Meirihluti landsfundarfulltrúa á Úlfþjótsvatni

samþykkti hins vegar grundvallarstefnugbreyingu sem Kristín sagðist ósátt við og taldi grundvallarmistök.

Kristín Ástgeirs dóttir: Við sameinuðumst á sínum tíma í kvennabaráttu og hún er hvorki til vinstri né hægri, hvað þá að hún verði skilgreind sem félagshygga. Ég treysti mér ekki til að tala máli þessa nýja meirihluta og ég get ekki setið hjá. Það er ekki minn still. Sá Kvennalisti sem ég var kjörin fulltrúi fyrir er ekki lengur til. Ég kýs því að vinna áfram að bættri stöðu kvenna utan flokka á þeim grunni sem ég var kjörin til hvað sem síðar verður. Hæstvirtur forseti, nú á ég mig sjálf.

Guðný Guðbjörnsdóttir, önnur tveggja þingkvenna Kvennalista, sagði ákvörðun Kristínar Ástgeirs dóttur vissulega sorgleg tíðindi sem og úrsagnir annarra kvenna úr Samtökum um kvennalista. Guðný sagði hins vegar að þetta væri óþarfa upphlaup hjá þingkonunni.

Guðný Guðbjörnsdóttir, alþingismaður: Við höfum aldrei talað um það að leggja Kvennalistann niður. Það form samstarfsins hefur ekkert verið til umræðu ennþá, þannig að minu mati þá á uppgjörið ef eitthvað uppgjör er að eiga sér stað þegar niðurstöður þessa málefna grundvallar liggur fyrir. Þess vegna er þetta að minu mati fullkomlega ótimabærar úrsagnir.

Jóhanna Vigdís Hjaltadóttir: Kristín, er þetta óþarfa upphlaup hjá þér offljótt?

Kristín Ástgeirs dóttir: Nei, mér finnst nú þetta svar stöllu minnar kannski sýna það sem i ljós hefur komið á undanförnum vikum og mánuðum að það er bara ekki skilningur. Þarna eru tveir hópar eða tvær fylkingar sem að hafa tekist á og það er greinilegt að það er lítill skilningur á því sem að við erum að segja. Þetta er grundvallarágreiningur. Það hefur verið tekist á um grundvallarstefnu, það hvort að Kvennalistinn er hreyfing sem að höfðar til sem flestra kvenna og snýst fyrst og fremst um kvennabaráttu eða hvort hann á að stilla sér upp við hlið vinstriflokkanna.

Jóhanna: En nú veltur maður óneitanlega um leið fyrir sér mismunandi viðbrögðum ykkar, þín og Kristínar Halldórsdóttur. Þið virðist vera algjörlega á sama máli. Hún ákveður að sitja hjá. Fannst þér rétt að kljúfa þingflokkinn á þessu stigi?

Kristín Ástgeirs dóttir: Ja, mér fannst ég ekki eiga annarra kosta völd. Þetta er orðinn langur tími þar sem að nánast öll orka og allur tími hefur farið í innri átök. Ég á ekki mjög langt eftir af kjörtímabilinu og mig langar til þess að verja þeim tíma í kvennabaráttu, ekki í eilif innri átök. Og ég

náttúrulega hugsaði mig vandlega um og eins og ég sagði í dag, ég treysti mér ekki til þess að vera málsvari þessa meiri hluta og þessarar stefnu sem tekin hefur verið upp. Ég get ekki setið og þagað og þá hlýt ég að fara. Nafna míin verður að svara fyrir sig.

Jóhanna: En nú er talað um að linir þær skýrast í vor og þá er nú heilt ár í kosningar. Ef að landsfundur hafnar samstarfi við félagsþyggjuflokkanna ætlar þú þá heim aftur?

Kristín Ástgeirs dóttir: Ég veit auðvitað ekkert hvað framtíðin ber i skauti. Ég er nú nokkuð sannfærð um það að það mun eitthvað koma út úr þessum viðræðum A-flokkanna og annarra sem þar koma að vegna þess einfaldlega að þeir eru búnir að leggja svo mikið undir. Það yrði svo mikið áfall ef að ekkert kæmi út úr þessu. En Kvennalistinn hefur verið að stíga svona ákveðin spor. Hann hefur verið á niðurleið í skoðanakönnun þó það hafi nú reyndar verið nokkuð stabilt undanfarna mánuði.

Jóhanna: En ert þú þá að segja að þú sért haett í pólitík?

Kristín Ástgeirs dóttir: Ég ætla ekki að lofa þér því. Ég veit ekkert eins og ég segi hvað framtíðin ber i skauti og ef það kemur upp einhver spennandi kostur og menn virkilega eru tilbúnir til þess að hugsa um stjórnsmál framtíðarinnar þá vil ég gjarnan vera með í því.

Jóhanna: Kristín Ástgeirs dóttir, þingkona sem átt þig sjálf, takk kærlega fyrir komuna í myndverið.

Tími: 6:00

Fréttamaður: Þróstur Emilsson, Jóhanna Vigdis Hjaltadóttir

Ljósvakafréttir eru gefnar út af Miðlun ehf.,
Tunguhálsi 19, sími: 580-8080, fax: 580-8087.

ljosvaki@midlun.is <http://www.midlun.is/fjolmidlavaktin/>

FJÖLMIDLAVAKTIN
AUGU OG EYRU ÍSLENSKS ATVINNULÍFS

Ljósvakahandrit 20.11.97

bylgjan 12:00

Kristín Ástgeirdsdóttir segir sig úr Kvennlistanum.

Kristín Ástgeirdsdóttir, þingkona Kvennalista tilkynnti úrsögn sína úr þingflokknum við upphaf þingfundar í morgun. Kristín ætlar að segja sig úr samtökum um Kvennalista síðar í dag.

Kristín Ástgeirdsdóttir, þingkona Kvennalista talar frá Alþingi: Hæstvirtur forseti. Eg kveð mér hljóðs til að tilkynna þingheimi að ég hef sagt mig úr þingflokkni samtaka um Kvennalista.

Kristín Ástgeirdsdóttir er ein af frumkvööldum samtaka um Kvennalista og var í hópi þeirra sem settust niður árið 1981 til að ræða hvort sérframboð kvenna til sveitarstjórnar og síðar til Alþingis væri fær leið til auka hlut kvenna í stjórnmálum. Kvennalistinn hefur átt fulltrúa á Alþingi í 14 ár og hefur Kristín setið á þingi fyrir Reykjavík í 6 1/2 ár. Hún sagði samstarfið þingmenn stjórnarandstöðu hafa verið gott og mun halda áfram að tilheyra stjórnarandstöðunni þrátt fyrir úrsögn.

Kristín Ástgeirdsdóttir: Það er mér þungbært að ganga út úr húsi Kvennistans eftir svo langa sambúð en það er um leið mikill léttir að ljúka þessum kafla lífs mins eftir erfitt lokaskeið. Ég hef eitt ómældum tíma og orku i starf mitt innan Kvennistans og það hefur oft kostað persónulegar fórnir. Ég hef komist að þeirri niðurstöðu að vandlega ihuguðu máli að ég eigi ekki annarra kosta vöл en að segja skilið við Kvennistann.

Ástæða úrsagnar Kristínar er sú ákvörðun Kvennistans að stilla sér upp við hlið svokallaðra vinstri flokka í þeim viðræðum sem fram undan eru um málefagnagrudvöll.

Kristín Ástgeirdsdóttir: Meirihluti fulltrúa á landsfundi Kvennistans um síðustu helgi samþykkti grundvallarstefnubreytingu sem ég er ósátt við. Hún er að minum dómi söguleg mistök. Fundurinn samþykkti að stilla sér upp við hlið svokallaðra vinstri flokka í þeim viðræðum sem framundan eru um málefagnagrundvöll. Það er sjálfsgagt að einstaklingar innan Kvennistans gangi til liðs við gömlu flokkana kjósi þeir það en það er ekki réttlætanlegt að minum dómi að draga heila hreyfingu sem saman stendur af konum

úr ýmsum áttum og með mismunandi lífsskoðanir inn í bandalag þeirra flokka sem nú skilgreina sig til vinstri hvað sem það svo þýðir. Sá Kvennalisti sem ég var kjörin fulltrúi fyrir er ekki lengur til. Ég kys því að vinna áfram að bættri stöðu kvenna utan flokka á þeim grunni sem ég var kjörin til hvað sem síðar verður. Hæstvirtur forseti nú á ég mig sjálf.

Það er Anna Ólafsdóttir Björnsson, fyrrverandi þingkona og María Jóhanna Lárusdóttir varaþingkona hafa einnig sagt sig úr samtökum um Kvennalista en Kristín mun síðar í dag segja sig formlega úr samtökunum.

Tími: 2:30

Fréttamaður: Hulda Gunnarsdóttir

Ljósvakafréttir eru gefnar út af Miðlun ehf.,
Tunguhálsi 19, sími: 580-8080, fax: 580-8087.

ljosvaki@midlun.is <http://www.midlun.is/fjolmidlavaktin/>

Ljósvakahandrit 20.11.97

Ríkisútvartið 19:00

Úrsagnir úr Kvennalistanum

Guðný Guðbjörnsdóttir, þingkona Kvennalistans segir að úrsagnir úr samtökunum séu ótímabærar. Hún harmar að Kristín Ástgeirs dóttir hafi sagt skilið við samtökin en segir að þeirri ákvörðun fylgi jafnframt léttir fyrir alla viðkomandi.

Kristín Ástgeirs dóttir, alþingismaður: Sá Kvennalisti sem ég var kjörin fulltrúi fyrir er ekki lengur til. Ég kys því að vinna áfram að bættri stöðu kvenna utan flokka á þeim grunni sem ég var kjörin til hvað sem síðar verður. Hæstvirtur forseti, nú á ég mig sjálf.

Guðný Guðbjörnsdóttir, harmar úrsogn Kristínar Ástgeirs dóttur en segir jafnframt að öllum viðkomandi létti nokkuð og andrúmsloftið hreinsist.

Guðný Guðbjörnsdóttir, alþingismaður: Það er ekki þægilegt að vera i samstarfi ef það er eiliflega verið að hóta eða fólk er ekki alveg með á hreinu hvar maður hefur hinn náungann.

Það hafa lengi staðið átök innan Kvennalistans um það hvert stefna eigi. Kergja í samskiptum og trúnaðarbrestur leiddi að lokum til klofnings í samtökunum. Þær Guðný Guðbjörnsdóttir og Kristín Ástgeirs dóttir gátu ekki unnið lengur saman. Þriðja þingkonan, Kristín Halldórsdóttir, hefur reynt að miðla málum en situr nú eftir með Guðnýju Guðbjörnsdóttur í tveggja kvenna þingflokkki. Guðný óttast ekki frekari sundrungu samtakanna. Nýjar konur gangi til liðs við þær og þá stefnu sem samþykkt var á Úlfþjótsvatni. Guðný leggur ríka áherslu á að reynt verði til þrautar að ná samstöðu með samfylkingu vinstri manna.

Guðný Guðbjörnsdóttir: Og ég tel að þessar úrsagnir séu ótímabærar, því að i raun og veru það getur allt skeð i þessum viðræðum, ekki síst á milli A-flokkanna og þá komum við til með að taka ákvörðun á okkar næsta landsfundi hver framtíðin verður.

Kristín Ástgeirs dóttur bíður erfitt hlutskipti á Alþingi. Hún verður ein og utan flokka en nýtur mikillar reynslu sinnar og velvilja í öðrum flokkum. Sighvatur Björgvinsson, formaður

Alþýðufloksins segir jákvætt hversu skýra stefnu þær hafa Kvennalistakonurnar sem áfram starfa innan samtakanna. Hann óttast ekki að klofningurinn spilli vinstriviðræðunum.

Sighvatur Björgvinsson, formaður Alþýðufloksins: En ég tel að þetta hafi engin áhrif á viðræðurnar aðrar heldur en þær að það er auðvitað alveg ljóst að þær konur sem mæta þar af hálfu Kvennalistans hafa mjög skýrt umboð og mjög skýrt markmið með þeim viðræðum, sama markmið eins og við i Alþýðufloknum höfum, að vilja leita leiða til þess að mynda sameiginlegt framboð.

Margrét Frímannsdóttir, formaður Alþýðubandalagsins er í frii á Kúbu og það vill svo til að Steingrímur J. Sigfússon er líka staddir þar en þingfloksformaðurinn Svavar Gestsson hlýddi á kveðju Kristínar Ástgeirs Þórss og fannst hún standa sig vel. En Svavar segir óvist að þessir atburðir hafi áhrif á viðræður um samfylkingu vinstrimanna.

Svavar Gestsson: Og ég bendi á það að við ætlum að gera þessi mál upp á okkar landsfund, það er nú bara í júní nk. eða júlí í síðasta lagi, eitthvað svoleiðis, og það getur auðvitað vel verið að þá gerist einhver tiðindi sem að kannski tengist því sem að hér var að gerast í dag. Um það veit enginn og ég er ekki að spá neinu um það.

Óðinn Jónsson fjallar nánar um viðbrögð við klofningi Kvennalistans í Fréttaukanum Hér og nú í fyrramálið.

Tími: 3:15

Fréttamaður: Óðinn Jónsson

Ljósvakafréttir eru gefnar út af Miðlun ehf.,
Tunguhálsi 19, sími: 580-8080, fax: 580-8087.

ljosvaki@midlun.is <http://www.midlun.is/fjolmidlavaktin/>